

928
力

簡齋詩外集




簡齋外集

四庫全書



簡齋外集



四部叢刊集部

上海涵芬樓借南陵
徐氏積學齋藏元人
鈔本景印原書葉心
高營造尺五寸寬三
寸五分



簡齋外集罕見其本淺唐

王心田以余愛之持以見贈延

祐七年二月雲林書齋記



子良



簡齋詩集引

詩至老杜極矣東坡蘇公山谷黃公奮手數

世之下復出力振之而統不墜然東坡賦才

也大故解縱繩墨之外而用之不窮山谷措

意也深故游泳 味之餘而索之益遠大抵

同出老杜而自成一家如李廣程不識之治

軍龍伯高杜季良之行已不可一槩詰也近

世詩家知尊杜矣至學蘇者乃指黃為強而

附黃者亦謂蘇為肆要必識蘇黃之所不為

然後可以涉老杜之涯涘此簡齋陳公之說云耳予游吳興得之乃知公所學如此故能獨步一代頃邑士有欲刻公詩者因出前聞為冠集首庶學者知公淵源所自且以折近世黨同伐異之說云公名與義字去非初賦墨梅受知徽考入校中祕書遂掌帝制後參紹興大政簡齋其自謂也玄默敦祥中秋晦齋書



南陵徐乃昌
校勘經籍記



簡齋詩外集目錄

畫梅

竹

心老父許為作畫未果以詩督之

偶成古調十六韻上呈判府兼贈劉

興州

再用迹字韻成一首呈判府

蒙示黃礪佳詩三讀欽羨輒繼韻仰

報嘉賜

蒙示涉汝詩次韻

再和

游峴山次韻

再賦

秋月

初至邵陽逢入桂林使以書問其地
之安危

均臺辭

長沙寺桂花重開

和若拙弟得倍游後園

季高送酒

欲入州不果

墨戲

和孫升之

寺居

某竊慕東坡以鐵拄杖為樂全生日
之壽今以大銅餅上判府待制庶
幾因物以露區又且作詩二首將

之亦東坡故事

又用韻春雪

次韻邢子友

某用家弟韻賦絕句上浼清視蕪詞
累句非敢以爲詩也願賜一言卒
相之

某以雨有嘉應遂占有秋輒採用家
弟韻賦二絕句少貲勤郵之誠也
梅

蒙知府寵示秋日郡圃佳製遂倚杖

屨道遙林水間輒次韻四篇上瀆

台覽

送人歸京師

雪

賦康平老銅雀硯

和顏持約

早行

海棠

寄題康平老眇柯亭

余識景純家弟出其詩目示喜其同
臭味也輒用大成黃字韻賦八句
贈之

次韻景純道中寄大成

再蒙寵示佳什殆無遺巧勉成二章

一以報佳貺一以自貽

同家弟用前韻謝判府惠酒

次韻家弟所賦

徙舍蒙大成賜詩

次韻宋主簿詩

用大成四桂坊韻賦詩贈令狐昆仲

留別葛汝州

蒙賜佳什欽歎不足不揆淺陋輒次

元韻

某蒙示詠家弟所撰班史屬辭長句

三數之餘輒用元韻以示家弟謹

布師席

蒙再示屬辭三歎之餘讀巨麗無地
托言輒依元韻再成一章非獨助
家弟稱謝區又少褒之使進學焉
亦師席善誘之意也

昨日侍中鉢飯于天寧蒙佳什謹次
韻

蒙再示佳什不敢虛辱厚賜謹再用
韻

承知府待制誕生之辰輒廣善懷菩

薩故事成古詩一首仰惟經世之
外深入佛海而某欲託辭以寄款
款適獲此事發寤於心似非偶然
者獨恨荒陋不足以侈此殊慶耳

游紫邏洞

研銘

頤軒記

跋郭節度公墓誌銘



簡齋詩外集目錄終

卷之六

簡齋詩外集

畫梅

娥眉淡又自成粧驛使還家空斷腸脂粉不
施憔悴盡失身未嫁易元光

竹

高枝已約風為友密葉能留雪作花昨夜常
娥更瀟灑又携疎影過窗紗

心老父許為作畫未果以詩督之

布衲王摩詰禪餘寄筆端試將能事畢迫肯

作畫工難秋入無聲句山連欲雨寒平生憂
想處奉乞小巖岵

偶成古調十六韻上呈判府兼贈劉

興州

稽首蘇耽仙乘雲去無跡尚留橋井在與世
除狂疾誰能不飲此識味亦可錄坐令鄭玄
牛亦抱荆山玉偉哉稚川齋神交接朝夕游
戲及小道造化入大笔優爲吳詩父雅命楚
騷僕豈其橋井助本自同仙籙坐中子列子

知是當客日書懸元和脚語經建康力先我
登公門不數鷲鳥百曾挹兩仙袖自然生羽
翼嗟我無長才學架屋下屋詩雖兩牛腰事
亦幾蛇足已窮猶不悔政荷師友德文盟儻
許予幸不疑藉湜

再用迹字韻成一首呈判府

風雨一葉過黃花已陳迹人貧交舊踈歲暮
日月疾貪人一作富人積胡椒智不到鬼錄那知
庾郎萊地瘦飽金玉不如學服氣清座了晨

夕尚餘煙月債驅使入吟筆晚逢葛先生憐
我出無僕借車得時詣謬窺文字錄談詩不
知疲或作夜半客揮毫寫珠玉治郡蓋餘力
不羨江千萬不慕李八百願傳公句法容我
附風翼城東劉子政著書方滿屋昨示一篇
詩三百歎未足仍聞供筆硯家有樊通德但
恐裴公門從此近捨湜元忠有侍妾常謂某
或使書中事不審使之尋輒能知其處詩成
或使之寫亦往又如人意陳學士願斯語

蒙示黃澗佳詩三讀欽羨輒繼韻仰

報嘉賜

癡兒了官事官事那可訖豈知公偷閑臨水

照纓紱雖微八川雄暴怒常至沸子虛賦說
八川云沸

乎暴怒沸云或似山陰清流可共被貪德實以

濟行地不鬱又地一作趙洛與陶丘相比亦仿

拂陶丘北也解后逢公賞一洗伏流屈可

愛不可唾眾議那可拂彼是公餘波本來非

俗物

蒙示涉汝詩次韻

城南天倒影綠浪搖十里使君雲夢猶復
錄此水舟行及雨霽秋色在葭葦煙涵翠縠
潤月照金波委知公已忘機鷗鷺宛停峙向
來趨熱士說似顙應泚俗子與清游自古劇
函矢如何有雙脚受垢不受洗異哉公殊嗜
記此兩苦李詩成墮衡門名字污紙尾公詩
賜某
及家明當躡公迹佳處不待指會逢白沙渚
我舍真可徙鳴騶儻重來傍舫傾我耳

再和

洪河豈不壯餘潤弥九里海內所詠詩在德
不在水德人經行地可敬及蒲葦况有水如
此浪去劇雪委念昔涉濤江怒鼉如山峙天
風怖殺人舟定舫有泚惕然三夜夢沙礫下
飛矢至今逢溝壑敢照不敢洗忽誦涉汝詩
五字擬蘇李快言擊汰事想見魚掉尾十年
疑此樂始誤斗柄指便當策我足歲月忽轉
徙未辨志和舟且洗子荆耳

游峴山次韻

夜度一程雲平明踏山地山神豈妬我飛雨
乱眸子重岳袞又去前傑後俊偉晦明更百
態始望那及此路窮得精廬稅駕諮祖始老
僧千金意佳處相指似先生一笑領得句步
翻水安石未歸山却要山料理奇哉此一段
驚世無前軌酬山以快飲春巖正滋旨一丘
儻許予高臥飽松髓城中謾拄笏那知有茲
事

高人買山隱百萬猶恨少客兒最省事有錢

一生了東莊良不遙十里望縹緲紫紉並麥
壠翠浪四山繞先生滯鹿車去程通鳳沼暫
來山泉上思與飛雲杳雲北接雲南一選絕
紛擾竹林懷風雨目斷極窈又從來無世塵
相對真不撓龍兒單地出頭角已表又先生
囑支郎勿使斤斧天終當乞一杖險路扶吾
老

轉路山突兀衆山之所望懶慵不下山揖山
會虛堂太空出盤嬉小空時侍傍我游瞻鐵

鳳力盡隨木羊石牕非人世意欲凌風翔
巉巖中人出定髮有霜過眼幾浮煙關身一
禪床教我安心法入鳥不乱行似知使君尊
起炷栢子香隴亦雲堪寄分作我歸裝好在牕
前竹伴師老蒼又

再賦

堂又李杜壇誰敢躡其址先生坐壇上持鉞
令餘子由來文字伯不但表奏偉高懷淡無
嗜寓興或留此平生上林手避諂淹二始登

臨意超然筆落風雨似事異柳司馬辛苦記
山水樂哉邦無事那待猛政理駕言尉吾民
不愧城門軌看山笑鄒湛句外寄深旨巖樹
閱幾客尚餘堯時宗炳登山詩長松列
板歌公詩未暇知餘事

興公賦天台千字一何少峴山逢巧匠籠絡
六詩了餘情到娘子心動雲縹緲髣髴山阿
人薜荔一身繞殷勤供泚筆路轉得龍沼應
龍喜公來噓氣紛霧杳忽然張蓋起知不受

人擾山有龍沼鄉人語曰峴山張蓋雨詩成

中有畫幽情雜荒竊從公雖一快頤有和詩

撓是事姑置之歸路迷日表安得永茲樂彭

鏗尚為天但愁歸城中念山令人老

脩眉入幽夢起費西南望城中望山終願學

柳文買泉築愚堂錯磨高壁翠日在我旁

忽在新野鄒行從泰山羊城中瞻使君駕鶴

高馳翔詩成墮人世字又含風霜平生仰止

勤不但上下牀願許俗士駕平叅丈人行封

姨豈嗔予震怒挾阿香知公終可恃不託當
邊裝清歡豈有極夜色來蒼又

秋月

祥暑推不去快風喜來過西榮遲明月與子

聊婆婆初如金盆滂稍若玉鑑磨亭又倚華

魄艷又舒凍波夜氣清入骨柰此光景何一

盃幸相屬安能廢吟哦纖阿無停輪衰鬢颯

已多及時會行樂無惜醉顏酡

初至邵陽逢入桂林使以書問其地

之安危

湖北弥年所長沙費月餘初爲邵陽夢又作
桂州書老矣身安用飄然計本踈管寧遼海
上何得便安居

均臺辭

小桃借春又已來平分和氣入均臺夜來臺
邊草環綠今朝芒生滿三木街頭拍手鬧千
兒齊唱中和宣布曲使君坐嘯開如雲請釀
百川壽使君但願使君長樂職不須更看杓

虛實

東家西家尔盍來聽說空園如春臺決曹高
臥印生綠叢棘化爲交遜木策勲此木那可
遺動地風搖枝不曲願我無訟到來雲莫辭
着力借寇君借得賢侯雖尔職但恐朝廷要
人調鼎實

長沙寺桂花重開

天遣幽花兩度開黃昏梵放此徘徊不交居
士臥禪榻喚出西廂共看來

和若拙弟得倍游後園

西園冠蓋坐生風更欲長繩繫六龍惟有病
夫能省事北窓三友是過從

壯夫三箭功名手儒士百篇藜莧腸莫道人
人握珠玉應須字又挾風霜

季高送酒

自接麴生蓬戶外便呼伯雅竹林頭真逢幼
婦着黃絹直遣從事到青州

欲入州不果

當復入州寬作期人間踏地有安危風流丘
壑真吾事籌策廟堂非所知白水春陂天淡
淡蒼峯晴雪錦離又恰逢居士身輕日正是
山中多景時

墨戲

鄂州遷客一花說仇池老仙五字銘併入晴
牕三昧手不須辛苦讀騷經

右蘭

人間風露不到畷只有酪奴無世塵何須更

待秋風至蕭艾從來不共春

右蕙

和孫升之

姬國餘芳代有人于今公子秀溪濱
處心如
水尚書市能賦臨流靜節君
花島紅雲春句
麗月梅踈影夜香聞囊開古錦湖山出何意
一星窺妙文此和升之詠周堅仲十二年前到周子壘間有詩曾見之故有
一星窺妙文之句

寺居

招提遠占一年鳴阻絕干戈得暫經
夢境了
知非有實醉鄉不入自常醒樓臺近水涵明
鑑草樹連空寫素屏物象自堪供客眼未須
覓句戶長扃

某竊慕東坡以鐵拄杖爲樂全生日
之壽今以大銅筓上判府待制庶幾
因物以露區又且作詩二首將之亦
東坡故事

要學東坡壽樂全此瓶端合供儒先
鐵如意

伴無憂畏玉唾壺傍耐歲年項似董宣真是
強腹如邊孝故應便與公剝貯爲霖水不羨
宮門承露仙

不與觀音伴柳枝要令奇相解公願會逢白
氏編書日猶夢陶家貯粟時安用作盤供軟
血也勝爲鉢困催詩千年秀結重又綠長映
先生鬢與眉

又用韻春雪

急雪催詩興未闌東風肯柰鳥烏寒最怜度

慵勤又意更接飛花細又看連夜拋回三白
瑞及時驚動五辛盤表安久絕千人望春破
還思騎一端

次韻邢子友

壯士如今爛莫收尚思抽矢射旄頭不堪苦
霧侵衰鬢稍喜和煙入戍樓萬里中原空費
憂三春勝日偶成遊青松遠嶺偏驚眼薄晚
闌干更少留

某用家弟韻賦絕句上浼清視蕪詞

累句非敢以爲詩也願賜一言卒相
之

萬里平生幾蛇足九州何路不羊腸只應綠
士蒼官輩却解從公到雪霜

某以兩有嘉應遂占有秋輒採用家
弟韻賦二絕句少貲勤卹之誠也

雲氣初看龍起湫雨聲旋聽樹驚秋已教農
父歌田守更遣虞人信魏侯某比蒙宿戒遊
富家池明日微
兩猶不廢出
故有是句

紀德刊碑不厭豐龍眠深洞一言通坐看綠
浪搖千里拔薤栽榆未當功

梅

愛歌纖影上窻紗無限輕香夜遶家一陣東
風濕殘雪強將嬌淚學梨花

蒙知府寵示秋日郡圃佳製遂侍杖
屨道遙林水間輒次韻四篇上瀆台
覽

歲月移文外乾坤杖屨中鏗然五字律句一作

健在百夫雄秋入池深碧寒欺葉澆紅此間

兼吏隱端不減游嵩客有游嵩山者歸以語公又以不得游為恨

鳥語知公樂晴山及我游盡排物外事拚作

酒中浮菊橐離雙鬢林聲隱四愁騷人例喜

賦政自不關秋

竹際笙簧起回聽眾籟微時陪物外賞肯念

日斜歸草色違秋意池光淨客衣吟公清絕

句政尔不能肥

一笑聊開口千憂不上眉林深受風得拍老

到霜知小憇逢筠洞幽尋及枳籬願公勤秉
燭裁詠棗離又

送人歸京師

門外子規啼未休山村日落憂悠又故園便
是無兵馬猶有歸時一段愁

雪

仙手人持白鸞尾夜半朝元明月裏羽衣三
振風不斷下視銀潢一千里玉軼載花分後
前欲落未落天恍然餘標從向人間去乞與

袁安破曉眠

賦康平老銅雀硯

鄴城臺殿已荒涼，依舊山河滿夕陽。
瓦礫却鏡今日硯，似教人世寫興亡。

和顏持約

半篙寒碧秋垂釣，一笛西風夜倚樓。
多少巫山舊家事，老來分付水東流。

早行

露侵駝褐曉寒輕，星斗闌干分外明。
寂寞小

橋知夢過稻田深，處草虫鳴

海棠

春雨夜有聲，連林杏花落海棠。
已復動寒食，豈寂寞人間有此麗。
赴我隔年約，花葉兩分明。
春陰取簾幙，東風吹不斷。
日暮煙脂薄，何可無我吟。
三叫恨詩惡。

寄題康平老眇柯亭

高懷志丘壑，既足不願餘。
惜哉三逕荒，滯彼天一隅。
小築聊自適，空園闢榛蕪。
清影吊高

槐氣與西山俱何以開子顏庭柯作森疎月
露洗塵翳天風吹笙竽方其寓日時萬象供
嘯呼終然成坐忘天地猶空虛券外果何有
浮雲只湏臾乃知鍾鼎豐未勝山林癯淵明
死千年日月走名譽不肯見督郵歸來守舊
廬可憐骨已朽後有誰繼渠願子副名實此
事吾欲書

余識景純家弟出其詩見示喜其同
臭味也輒用大成黃字韻賦八句贈

之

阿奴喜氣照人黃傳得新詩細作行可愛懸
知似楊柳忘憂復不待擯柳魏收已獲崔昂
譽摩詰仍推相國長曷不少留東閣醉剝收
篇詠作歸裝

次韻景純道中寄大城

聞道歌行伏李紳古來賢守是詩人久欽樂
廣懷披霧一見周瑜勝飲醇海內期公黃閣
老尊前容我白綸巾佳篇咀嚼真堪飽此日

何憂甌有塵

再蒙寵示佳什殆無遺巧勉成二章

一以報佳貺一以自貽

晚又休嫌笏與紳如公本是九包人

來詩云遷山終

戴鹿讀書只用三冬足學道從來一色醇太

尉談辭仍玉麈侍中風韻更紗巾誰言上界

多官府亦許散仙追後塵

諸公衮又坐垂紳誰信北風欺得人遮眼讀

書何用解發顏要酒可湏醇

釀發醇

選醇十年白

社空看鏡萬里青天一岸巾少待奇章到三日試將冠蓋拂埃塵

同家弟用前韻謝判府惠酒

嚼盃樂聖便稱賢無酒猶堪臥甕間使者在

門催僕又麴車入夢正班又不煩白水真人

力來自青城道士山千載王弘全並美未應

把菊賦寒慳

日飲知非貧士宜要逃語穿稅心鞿楚辭而

亂所湏唯酒非虛語以醉為鄉可徑歸鷓鴣

鷓鴣俱得道，螟蛉螺贏共忘機。狂言戲作麻姑送，無柰閭人與我違。

次韻家弟所賦

曹劉方駕信，擾爲不廢東郊坐。保釐投蚓問公逢，老手聯珠及我媿。連枝定知來者傾，三歎共了流年廢。幾詩瘀絮車斜敢將去，樂天那畏一微之。

徙舍蒙大成賜詩

南北東西共一塵，得坻隨處可收身。卜居賦

就知謀拙入宅詩，成覺意新三徑蓬蒿猶恨淺。九流賓客未嫌貧，不須更待高軒過。神有珠璣已照隣。

次韻宋主簿詩

九折灣中萬斛舟，怪公隨處得心休。未應菊徑關心急，聊爲魚槎盡意留。陸子舊蹤餘馬頂，羊公遺碣見龜頭。遙知太白無多事，醉裏詩成不待搜。

用大成四桂坊韻賦詩贈令狐昆仲

鄉人洗眼看銀黃得桂連枝手尚香盛事固
應傳鴈塔新詩不減住鷄坊醞酥乳酪元同
味羯末封胡更合堂從此葛峽門下客知名
可但一揚方

留別葛汝州

平生師友塵莫數兩眼徧明向公許一時盛
德人中驥四海知名地上虎東序塔墀再鞞
板西州杖屨三寒暑我方庶兄湯惠休公乃
小兒揚德祖未頒還朝尺一詔不愧專城丈

二組為公剩買銀管筆容我時親玉柄塵近

蒙五字落珠璣

杜牧詩云五字落珠璣

如服一丸生翅

羽別離真成惜夜燭感歎更值歌朝兩行看

入侍玉皇案與進不待金剛杵勸公慎物學

孔光薦士何妨似張禹孔光傳云弟子見光

終無所薦其公如此張禹傳云禹成就弟子尤著者淮陽彭宣至大司空沛郡戴崇至少

卿府九

夢賜佳什欽歎不足不揆淺陋輒次

元韻

退之高文仰東岱籍湜傳盟其足賴固知法
嗣要龍象先生端是毗陵派方駕曹劉蓋餘
力壓倒元白一聊快向來班門收衆材賓履
費公珠幾琲三重會有堪此事群犬未免驚
所怪但知樓仰百尺顛豈覺波涵千頃外南
州短簿今公喜魏我又冠陸離佩有如若士
那可無筆勢已超聲律界相將問道留十日
滿座真成折牀會清詩忽復墮華牋要使握
瑜誇等輩

某蒙示詠家弟所撰班史屬辭長句
三歎之餘輒用元韻以示家弟謹布
師席

雋永雜俎雖甚旨何似三冬足文史羨子皮
裏西京書議論逼人驚疊又戲爲語韻網所
遺人皆百能子千之雖非張巡徧記誦豈與
李翰爭毫釐不待區又隸古定便令景宗知
去病掇要虛煩四十篇三卷之博能擬聖儒
林丈人摘藻春作詩印可融心神我亦從今

悔迺學不須更辨璜稱臣

蒙再示屬辭三歎之餘讚巨麗無地
托言輒依元韻再成一章非獨助家
弟稱謝區又少褒之使進學焉亦師
席善誘之意也

書如嘉穀要知旨區又太冲空詠史百年能
挂幾牛角火急編摩時疊又柳家文類今無
遺可忍行事空違之此書真是群玉府事辭
所不遺毫釐子不見劉勰書成要人定豈但

令人愈頭病偶向車前問沈公果符夢裏隨
先聖兩詩入手喜生春從今護持知有神便
可繕寫持獻御注解不須煩五臣

昨日侍巾鉢飯于天寧蒙佳什謹次
韻

朱門未知禪脫義富不期奢又自至二韭雖
寒故是公萬羊賈禍徒封衛我公居塵不染
塵便隨一鉢遺甘辛出家雖非將相事食菜
要是英雄人矐儒一生用心苦何曾夢見雞

映忝中丞惜福幸見分晚食從公當羔豕趙

公問徑山曰弟子出家得否答曰出家是大

丈夫事非將相所為出李肇國史補洪州廉

使問一禪師曰弟子喫酒肉即是不喫酒肉

即是答曰若喫是中丞祿不喫是中丞福

蒙再示佳什不敢虛辱厚賜謹再用

韻

先生明經今蔡義念佛仍師大勢至大勢至

我本因地以念食菜不待周顛書要斷貪殺

佛心入無生也兼自衛顏回平生拾墮塵蓼虫食蓼忘其辛

先生種福我無禍成佛定是同功人兩詩見

戒言甚苦肯賦黃鷄啄秋黍從今但見懶殘

羊不敢求膏鑿虛矜

承知府待制誕生之辰輒廣善懷苦

薩故事成古詩一首仰惟經世之外

深入佛海而某欲託辭以寄款又適

獲此事發寤於心似非偶然者獨依

荒陋不足以侈此殊慶耳

歲星欲吐芒不開昂星避次光低徊麒麟鸞

驚紛夾侍善懷菩薩當重來仙公風流今幾

歲再託高門瑞當世買香趁浴驚衆聳要識
此僧今我是金粟後身何足言釋迦親送非
虛傳稽首西來大菩薩住世小劫須千年宰
官說法聊應會餘事文章亦三昧世間底物
堪壽公本自金剛無可壞葛仙公起居注云
尚書時年八十始有此子時有沙門自稱善
竺僧於市大買香市怪問僧曰我昨夜夢善
思菩薩生葛尚書家將以香浴之到生時僧
至燒香右繞三匝禮拜恭敬沐浴而止靈寶
法輪經云葛仙公始數日有外國沙門見
仙翁禮拜抱持而告仙公父母曰此是西方
善思菩薩今來
漢地教化眾生

游紫羅洞

我不願封萬戶侯願向紫羅從公游鄆州溪
堂號州洞未有退之詩可留水近山流清澈
底竹飽千霜節如此廊廟之具千金軀底事
便着山巖裏蒲鞭掛壁一事無環珮聲中了
朝晡祝融不到林深處客至五月懷貂狐徇
華大夫無此樂從渠遮山用翠幙若問此間
奇絕處但道曾中有丘壑

研銘

無住菴老居士紫玉池娛晚歲不出菴書誦
偈誰使之踐朝市入承明司帝制如督井父
不治百尺泉來莫莫古之人輕百計惟出處
不敢步嗟已晚覺非是勒斯銘戒後世

頤軒記

余客汝州識治獄掾陳德潤與之語肺肝無
溪壑也奔走百僚之底未嘗一日有怠容後
官太學而其弟道醇肄業焉官學萬里貧不
振天子幸學官之澹然不色喜余以是媿其

兄弟道醇問語曰我又有隱居不稼之兄廬
西山之下其燕居所榜之曰頤軒前崖岫之
蒼翠後磻壑之琮瑋煙雲草木晦明寒暑出
天地之奇變以娛軒中之人世之得喪利害
無所經其懷我與汝州掾心不能忘也余面
贊之曰鍾皓有兄不仕皓亦逡巡難進居官
有聞何點棲遁求志而其子弟遺進退之節
後世莫訾焉而今而後知二子之師友不在
侘在頤軒尔於其歸也申以告之曰大丈夫

用世非難也無媿子頤軒之兄爲難也其亦告子頤軒之兄不仕非難也行義風烈有聞於鄉里無愧乎前之山後之礪爲難也古之君子居也其仕也其道一也而已二子方將爲軒冕所縻異日風績振耀而用舍行藏可觀可紀則頤軒之進德亦可占矣道醇曰是蓋頤軒之紀盡書之乃錄大略使歸書之其壁且以告德潤云洛陽陳去非記

跋郭節度公墓誌銘

自古將帥之世其功名福祚鮮有克全至漢辛武賢父子始傳世爲名將史氏賢之又發於叙傳榮華至今本朝郭氏乃有累世之美勲業書於竹帛闕闕耀於一時至殿帥益顯遂以宿將用也不見其形願察其影其受社若此則其所行可知矣夫當頌以規者同郡之至情也天下方有難非血誠壯烈不足以解國家之憂殿帥勉之亦以告意氣之同者

積學齋徐乃昌感書

第 3528 / 号

平成 3.11.22

聖和学
園短大
図書館


928

力

簡齋詩外集終

司馬

徐乃昌藏書記



第 1000 号
SS 11 3 20 年
第 1 卷 第 1 号
大 学 出 版 社
北 京

